

9. GIZARTE EKIMENAREKIKO ELKARLANA

9.1. Irabazi asmorik gabeko elkar-teetarako diru laguntzak

Gizarte ekintzaren Zuzendaritzak bultzatzen dituen laguntza ekonomikoen helburua elkar-teei laguntzea da, gizarte ekintzaren arloan egiten duten elkarteek lana bermatuz. Aurkezten diren proiektuen helburu zehatzak orain adierazten ditugun motatakoak izan daitezke:

- Elkartearen eguneko jardueraren mantentzea
- Sentsibilizazio eta gizar-teratze ekintzak. Era berezian gizarte arloko boluntarioak lortu eta trebatzera zuzendutako ekintzak
- Elkarte ekintzen helburu diren kolektiboek zuzenduta dauden esku-hartze programak hedatu. Era berezian, boluntarioek egiten dituzten ekintzak kontutan hartzen dira.

2022ko uztailaren 8an Tokiko Gobernu Batzarrak 274.800 €-ko laguntza ekonomikoa ematea erabaki zuen gizarte ekintzaren arloan diharduten irabazi asmorik gabeko 82 elkar-terei 121 proiektu diruz lagunduz.

1. eranskinean, 2022an diruz lagundutako elkarte eta proiektuak zehaztuta agertzen dira.

9.2. Elkarlanerako hitzarmenak elkarte eta erakundeekin

2022an, Gizarte Ekintzaren Zuzendaritzak **elkarlan hitzarmenak** sinatu ditu hurrengo erakunde hauekin:

HURKOA Fundazioa

Gizarte Ekintzaren Zuzendaritzarekin elkarlanean, ezgaitze eta/edo tutoretza prozesuak hasi behar diren kasuetan aritzeko.

2022ko lankidetzak-hitzarmenak jasotzen duen kopurua 8.405 eurokoa da.

NAGUSILAN eta GURUTZE GORRIA

Gizarte Ekintzaren Zuzendaritzarekin elkarlanean, adinekoei eta pertsona ezgaituei konpainia eta etxean laguntzeko ekintzetan aritzeko.

Bi Hitzarmenetan diru-kopuru bera jasotzen zen, 8.166 euro, hain zuzen ere.

DYA

Gizarte Ekintzaren Zuzendaritzarekin elkarlanean, pertsonen eta taldeen garraio beharrak betetzeko, Udalaren gizarte lanaren edozein esparrutan.

2021eko lankidetzak-hitzarmenak jasotzen duen kopurua 8.166 eurokoa da.

AFAGI (Alzheimerre dutenen Senitartekoen Gipuzkoako Elkarte)

Gizarte Ekintzaren Zuzendaritzarekin lankidetzan, psikoestimulazio kognitiboko prebentzio programa bat hedatzeko. Alzheimerren hasierako fasean dauden edo beste dementsia sindrome bat diagnostikatuta duten adinekoentzat zuzenduta.

2022ko lankidetzak-hitzarmenak jasotzen duen kopurua 36.080 eurokoa da.

Era berean, 2022an, Gizarte Ekintzako Zuzendaritzak **aparteko lankidetzak hitzarmenak** egin ditu honako erakunde hauekin:

ASPACE GIPUZKOA

Donostiako Udalarekin lankidetzan aritzen da garun-paralisia duten pertsonen eta haien familiei laguntzeko. 2022an, erakundeak 50 urteko ibilbidea ospatu zuen, eta hainbat jarduerak egin ziren egiten duten lanari balio emateko.

Lankidetzak hitzarmenari lotutako zenbatekoa 14.500 eurokoa izan da 2022an.

PAUSOKA

Erakundeak aniztasun funtzionala duten haurren eta haien familien laguntza-beharrei erantzun integrala emateko lan egiten du. 2022an ezohiko proiektu bat jarri du abian, dibertsitate funtzionala duten haurren komunikabideak hobetzeko.

Lankidetzak hitzarmenari lotutako zenbatekoa 14.500 eurokoa izan da 2022an.

BIZI BIDE

Fibromialgia, Neke Kronikoaren Sindromea, Sentiberatasun Kimiko Anitza eta Elektrohipersentsibilitatea duten pertsonen laguntza-beharrei erantzun integrala emateko lan egiten du erakundeak. 2022an zehar, osasunerako kaltegarriak izan daitezkeen toxikoen eta ingurumen-kargen kontrolari buruz kontzientziatzeko proiektu bat garatu du.

Lankidetzak hitzarmenari lotutako zenbatekoa 14.500 eurokoa izan da 2022an.

CARITAS ETA ARRATS ELKARTEA

COVID-19 koronabirusak eragindako osasun-larrialdiko egoerari aurre egiteko 2020ko martxoaren 14an ezarritako alarma-egoeran, Donostiako Udalak ezohiko plazak jarri zituen hainbat baliabidetan, egoitza-bazterkeriako egoeran dauden pertsonentzako harrera-baliabideen beharrei erantzuteko. Alarma-egoera amaituta, eta Donostiako Udalaren, Aldundiaren eta Eusko Jaurlaritzako Berdintasun, Justizia eta Gizarte Politiketako Sailaren arteko lankidetzaren ondorioz, Lehen Urratsa proiektua jarri zen abian, pertsona horien harrerari eusteko eta egoitza-bazterkeriako egoerara itzuli behar ez izateko.

CARITASek eta **ARRATS ELKARTEAK** 'Lehen Urratsa' programan parte hartu dute 2020ko uztailetik, Donostiako Udalak prestatutako baliabideetatik datozen pertsonen arreta eta laguntza soziala eskainiz.

Tokiko Gobernu Batzarrak 2022ko abenduaren 18an erakunde horiei zuzeneko dirulaguntzak ematea onartu zuen, 2022an egindako Urratsak Bidean programa finantzatzeko, Lehen Urratsa programaren trantsizioa, artatutako pertsonekin lan egiten jarraitzeko eta haien gizarteratze-prozesuarekin jarraitzeko.

Caritasi 230.685 € eman zaizkio eta Arrats elkarteari 400.000 €.

9.3. Irabazi asmorik gabeko elkarteen egoitzetarako edota beraien jarduerak burutzeko lokalak lagatzea

Udalerrian lan egiten duten erakundeekiko lankidetzaz-ildo hori jarduera garatzeko **udal-lokalen erabilera lagatzean gauzatzen da.**

Gizarte Ekintzaren Zuzendaritza gizarte arloan lan egiten duten erakundeen alde egindako 18 lokal lagapenen arduraduna da.